



Cussegl da vischnaunca
29-2021/2024

Cumissiun davart il provediment medicinal e d'urgenza

Nominaziun da dus cusseglier(a)s

M E S S A D I

dalla suprastanza communal a al cussegl da vischnaunca

Stimau signur president
Preziadas signuras cusseglieras
Preziai signurs cussegliers

1. Situaziun da partenza

La vischnaunca da Mustér ei responsabla per garantir il provediment da sanadad en sia vischnaunca. Il survetsch medicinal d'urgenza ella vischnaunca ni ella regiun ei in basegns elementar ed aschia indispensabel per la populaziun. Las sfidas per saver garantir da tut temps in qualitativ bien survetsch d'urgenza ein ella regiun sisum la Surselva las suandontas:

- **Survetsch d'ambulanza:** La purschida dil survetsch d'ambulanza sto da tut temps esser garantius aschia che l'ambulanza ei en cuort temps resp. en in temps responsabel al liug d'urgenza. Cunzun denteresiun ei il survetsch da notg cun l'ambulanza en in temps responsabel buca garantius.
- **Survetsch d'urgenza medicinal:** Ils miedis da casa han da prestar survetsch d'urgenza medicinal. Cunzun il survetsch da notg ei ina gronda sfida. Cheu drova ei pils miedis da casa in descargament. L'uniun da miedis dalla Surselva ensemen cun l'uniun da miedis cantunala ein gia vid ponderar co meglierar la situaziun dils miedis. Ina sligiazion che vegn persequitada ei ina collaboraziun fetg stretga cun l'organisaziun independenta da miedis Svizra "Medgate". In'otra sligiazion che munglass vegnir persequitada ei da reparter quei survetsch sur pliras persunas. Quei duvrass denton tgunsch dapli miedis da casa.
- **Miedis da casa:** En nossa vischnaunca ed ella regiun vegn la successiun dils miedis da casa ad esser ina gronda sfida. Per saver garantir el futur aunc ditg ina buna purschida dil provediment da sanadad da basa sco era il survetsch d'urgenza medicinal ei ina sligiazion a liunga vesta en stretg contact cun persunas dil fatg indispensabla. La munconza da personal qualificau fa quella problematica aunc pli acuta. Perquei drova ei el futur cundiziuns da basa attractivas per saver carmalar novs miedis en nossa regiun.

2. Seduta dil cussegl da vischnaunca dils 18 da november 2022

Il cussegl da vischnaunca fa adina puspei attents sin la problematica descretta ella situaziun da partenza. En sia seduta dils 18 da november 2022 cun caschun dalla tractaziun dil preventiv 2023 ha il cussegl da vischnaunca decidiu d'integrar el preventiv ina summa unica da **frs. 50'000.--** per examinar e promover activamein il provediment medicinal ed il survetsch d'urgenza sisum la Surselva.

3. Cumissiun speciala

A vesta da quella intervenziun ha la suprastanza communal decidiu a caschun da sia seduta dils 21 da november 2022 d'instradar ina cumissiun speciala che sedat giu intensivamein cun la problematica numnada. La cumissiun exista da suandontas persunas:

- **2 cusseglier/as**
- Jris Lombris, geraua departament sanadad, scolaziun, cultura e sport
- René Epp, president communal
- Ulteriuras treis persunas, da quei duas persunas dil fatg

Il cussegl da vischnaunca nominescha las persunas dil cussegl da vischnaunca che duein far part dalla cumissiun numnada. Ils commembers dalla cumissiun san quintar cun entginas sedutas (mintgamai la sera) el decuors dils proxims meins. La cumissiun ha da tut temps la pussevividad da trer neutier per sias sedutas ulteriuras persunas dil fatg.

4. Ponderaziuns finalas

La cumissiun vegn a sefatschentar da rudien cul provediment da sanadad ed en special cul survetsch d'urgenza per anflar sligiazions a liunga vesta per nossa vischnaunca e la regiun sisum la Surselva. Aschispert che resultats concrets ein avon maun, vegn la cumissiun a dar rapport al cussegl da vischnaunca ad ina da sias sedutas ordinarias, prevedentamein igl onn 2023.

5. Proposta

Sin fundament dallas ponderaziun suramenziunadas

p r o p o n a

la suprastanza communal al cussegl da vischnaunca da nominar ord siu ravugl duas personas per la cumissiun speciala "sligiazziuns pil survetsch d'urgenza" per mauns dall'elecziun entras la suprastanza communal.

Suprastanza communal Disentis/Mustér
Il president:

René Epp

Il canzlist:

Andri Hendry

Disentis/Mustér, ils 25 da november 2022